



Na osnovu člana 69. stav (2) tačka d) Zakona o javnim nabavkama („Službeni glasnik BiH“ broj: 39/14 i 59/22) i člana 12. Pravila JU „Naše dijete“ Tuzla, na prijedlog Komisije za javne nabavke, direktor Ustanove donosi

## ODLUKU

### o poništenju postupka nabavke

#### I

U skladu sa odredbom člana 69. stav (2) tačka d) Zakona o javnim nabavkama BiH, poništava se postupak javne nabavke u predmetu – *nabavka mliječnih proizvoda za potrebe Ustanove* provedenog putem otvorenog postupka, broj 1194-1-1-4-3-3/23 od 30.01.2023. godine sa Portala javnih nabavki BiH iz razloga što nijedna od primljenih ponuda nije prihvatljiva.

#### II

Odluka stupa na snagu po konačnosti, a dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama i biće objavljeno na internet stranici JU „Naše dijete“ Tuzla u skladu sa članom 70. stav (6) Zakona o javnim nabavkama BiH („Sl. glasnik BiH“, broj: 39/14 i 59/22).

### Obrazloženje:

Na osnovu Zahtjeva za pokretanje postupka javne nabavke br. 01-11-340-1/2023, direktor Ustanove je donio Odluku o pokretanju postupka nabavke u otvorenom postupku br. 1194-1-1-4-3-3/23 od 30.01.2023. godine. Tendersku dokumentaciju sa Portala javnih nabavki, preuzelo je 8 (osam) privrednih subjekata, i to: „E-kapija“ doo, „Max trgovine“ doo, „Mlijeko produkt“ doo, „BBS EUROPE“ , „Redex“ doo, „Bosna-kom“ doo, „TR MIS“, i „Lala i Laćo“ doo. Do krajnjeg roka za dostavu ponuda, ponudu su predala 3 (tri) ponuđača i to: „Bosna-kom“ d.o.o. Gračanica, „Lala i Laćo“ d.o.o. Bijeljina i „Redex“ d.o.o. Banovići, sa ponudama u slijedećim vrijednostima:

Broj protokola ugovornog organa	Naziv ponuđača	Ukupna cijena ponude bez PDV-a
01-11-642/2023	„Bosna-kom“ d.o.o. Gračanica	62.504,00
01-11-657/2023	„Lala i Laćo“ d.o.o. Bijeljina	58.193,40
01-11-665/2023	„Redex“ d.o.o. Banovići	63.150,00

Prilikom pregleda i ocjene, komisija je zaključila slijedeće:

- Blagovremeno su ponudu predala 3 (tri) ponuđača i to: „Bosna-kom“ d.o.o. Gračanica, „Lala i Laćo“ d.o.o. Bijeljina i „Redex“ d.o.o. Banovići



**JAVNA USTANOVA ZA PREDŠKOLSKI ODGOJ I OBRAZOVANJE**

**„NAŠE DIJETE“ TUZLA**

**KREČANSKA BROJ 3, 75000 TUZLA**

**ID BROJ: 4209046740000      CENTRALA/FAX: +38735369920**

**n-dijete@bih.net.ba      www.nasedijete.ba**

- Nije bilo neblagovremenih ponuda;
- Prilikom pregleda i ocjene, nisu uočene računске greške u pristiglim ponudama;
- Ponude svih ponuđača ne ispunjavaju uslove tražene tenderskom dokumentacijom i iste su ocijenjene neprihvatljivim. Ponuđač „Bosna-kom“ d.o.o. Gračanica je dostavio ponudu br: 019/23 od 17.02.2023. godine. Broj protokola ugovornog organa: 01-11-642/2023 od 16.02.2023. Uvidom u ponudu ponuđača, komisija je konstatovala da datum na ponudi ne odgovara realnom vremenu, te je ponuda stigla dan prije nego što je, kako je navedeno u ponudi, nastala. Ponuđač je također u Obrascu za cijenu ponude – Anex 3, ponudio ukupnu cijenu 62.504,00 bez PDV-a, što je za 3.504,00 KM bez PDV-a više od obezbijedenih i planiranih sredstava za ovu nabavku. U skladu s članom 2. Zakona o javnim nabavkama („Sl. glasnik 30/14 i 59/22), stav 1) tačka 1), alineja 2) ponuda ponuđača „Bosna-kom“ d.o.o. Gračanica je neprihvatljiva.  
Ponuđač „Lala i Laćo“ d.o.o. Bijeljina je dostavio ponudu br: 018/23 od 13.02.2023. godine. Broj protokola ugovornog organa: 01-11-657/2023 od 17.02.2023. Komisija je ustanovila da je u Obrascu za cijenu ponude Aneks 3, ponuđač ponudio ukupnu cijenu 58.193,00 bez PDV-a. Analizirajući pojedinačne stavke Obrasca za cijenu ponude – Aneks 3, komisija je ustanovila da je pod rednim brojem 1. Mlijeko tetrapak, min. 2,8 % mm 1/1, ponuđač ponudio proizvod: Mizo mlijeko, 2,8% mm, 1l. S obzirom da komisiji za pregled i ocjenu ponuda, nije bilo poznato da se navedeni proizvod nalazi na tržištu u BiH, Komisija je ponuđaču putem e-mail-a uputila Zahtjev za pojašnjenje stavke u obrascu za cijenu ponude, br. 01-11-340-6/2023 od 20.02.2022. godine, te je pored obrazloženja, kao dokaz da se radi o proizvodu „Mlijeko tetrapak, min. 2,8 % mm 1/1“, tražila i dostavu deklaracije i fotografije ponuđenog proizvoda.  
Ponuđač je dostavio Odgovor na Zahtjev za pojašnjenje broj: 147/23 od 21.02.2023. godine, gdje je obrazložio stavku br. 1 iz obrasca za cijenu ponude „Mlijeko tetrapak, min. 2,8 % mm 1/1“ i to na slijedeći način: „Proizvođač navedenog artikla je Sole-Mizo Zrt. Mađarska. Uvoznik za BiH: Džananović Transport doo Zenica.“  
Ponuđač je također dostavio fotografije ponuđenog artikla Mizo mlijeko 2,8% mm u pakovanju od 1l, čime je komisija nedvojbeno utvrdila, a na osnovu dostavljene deklaracije, od strane ponuđača „Lala i Laćo“ d.o.o. Bijeljina, da se ne radi o proizvodu/robi, a prema zahtjevima iz Aneksa 3 – Obrazac za cijenu ponude i prema tehničkim specifikacijama iz tenderske dokumentacije. Ponuđač „Lala i Laćo“ d.o.o. Bijeljina je umjesto proizvoda „Mlijeko tetrapak, min. 2,8 % mm 1/1“, ponudio MLJEČNI NAPITAK s 2,8% M.M. UHT, homogenizirani mliječni napitak s mlijekom i permeatom – sastojci: mlijeko 51%, permeat, vrhnje.  
S ciljem korektnog pregleda i ocjene ponuda, te otklanja sumnji i potvrde navedenog zaključka, Komisija se obratila Agenciji za sigurnost hrane BiH i to putem e-maila, upućenom Molbom za mišljenje o vrsti proizvoda broj: 01-11-340-9/2023 od 21.02.2023. godine. Agencija za sigurnost hrane BiH je dostavila Odgovor na Predmet: Molba za mišljenje o vrsti proizvoda broj: 03-01-26-12-205-2/23 od 22.02.2023. godine, gdje je tumačenjem Pravilnika o proizvodima od mlijeka i starter kulturama („Sl. glasnik BiH“, br. 21/11 i 17/19), obrazložila i dala stručno mišljenje o proizvodu



**JAVNA USTANOVA ZA PREDŠKOLSKI ODGOJ I OBRAZOVANJE**

**„NAŠE DIJETE“ TUZLA**

**KREČANSKA BROJ 3, 75000 TUZLA**

**ID BROJ: 4209046740000      CENTRALA/FAX: +38735369920**

**n-dijete@bih.net.ba      www.nasedijete.ba**

koji je ponuđač „Lala i Laćo“ d.o.o. Bijeljina ponudio i to na osnovu uvida u deklaraciju koju je ponuđač dostavio ugovornom organu. U odgovoru Agencije za sigurnost hrane je navedeno da je jasno vidljivo da se radi o proizvodu Mliječni napitak s 2,8 % M.M. robne marke Mizo i da navedeni proizvod spada u kategoriju proizvoda od mlijeka, a ne u kategoriju mlijeko. Uzimajući u obzir ranije zaključke donijete od strane Komisije, te cijeneći navedeno stručno mišljenje, Komisija konstatuje da proizvod ponuđen pod stavom br.1. Obrasca za cijenu ponude – Aneks 3 - „Mizo mlijeko 2,8% mm, 1l“, nije ponuđen u skladu sa tehničkim specifikacijama navedenim u Tenderskoj dokumentaciji i priložima br. 01-11-340/2023. U skladu s članom 2. Zakona o javnim nabavkama („Sl. glasnik 30/14 i 59/22), stav 1) tačka 1), alineja 2) ponuda ponuđača „Lala i Laćo“ d.o.o. Bijeljina je neprihvatljiva.

Ponuđač „Redex“ d.o.o. Banovići je dostavio ponudu br: 1 od 19.02.2023. godine. Broj protokola ugovornog organa: 01-11-665/2023 od 20.02.2023. U Obrascu za cijenu ponude – Anex 3, ponuđač je ponudio ukupnu cijenu 63.150,00 bez PDV-a, što je za 4.150,00 KM bez PDV-a više od obezbijedenih i planiranih sredstava za ovu nabavku. U skladu s članom 2. Zakona o javnim nabavkama („Sl. glasnik 30/14 i 59/22), stav 1) tačka 1), alineja 2), ponuda ponuđača „Redex“ d.o.o. Banovići je neprihvatljiva.

Pregledom i ocjenom pristiglih ponuda, Komisija je zaključila da su sve pristigle ponude neprihvatljive, te je predložila direktoru Ustanove da postupak javne nabavke poništi, u skladu s članom 69. stav (2) tačka d) Zakona o javnim nabavkama BiH („Sl. glasnik BiH“, broj: 39/14 i 59/22). Direktor Ustanove je prihvatio navedenu preporuku i odlučeno je kao u dispozitivu.

### **Pouka o pravnom lijeku**

**Žalba se izjavljuje Uredu za razmatranje žalbi putem ugovornog organa, u roku od 10 dana od dana prijema ove odluke. Ponuđač je dužan dostaviti žalbu ugovornom organu najmanje u 3 (tri) primjerka. Ugovorni organ nakon zaprimanja žalbe putem portala javnih nabavki obavještava ponuđače o vođenju postupka po žalbi.**

 **DIREKTOR**  
  
/Karić Sanja, dipl. iur/

### **DOSTAVLJENO:**

1. Ponuđaču
2. Spis
3. A/a

Broj: 01-11-340-12/2023  
Tuzla, 23.02.2023. god.

